

Aquifer Open Bible Dictionary

This work is an adaptation of Tyndale Open Bible Dictionary © 2023 Tyndale House Publishers, licensed under the CC BY-SA 4.0 license. The adaptation, Aquifer Open Bible Dictionary, was created by Mission Mutual and is also licensed under CC BY-SA 4.0

French (عربي), This resource has been adapted into multiple languages, including English, Tok Pisin, Arabic (Français), Hindi (हिंदी), Indonesian (Bahasa Indonesia), Portuguese (Português), Russian (Русский), Spanish (Español), Swahili (Kiswahili), and Simplified Chinese (简体中文)

م

المسيح

دا لقب رسمي اتقال عن يسوع في العهد الجديد. ببذل على منصبو كمخلص مسوح، وببشير لمؤهلته الروحية في إنقاذ شعبو. الكلمة جاية من الكلمة اليونانية «كريستوس»، وهي ترجمة للكلمة العبرية «المسيّا» (شوف (يوحنا ١: ٤١)). الاسمين ديل جابين من فعل معناهو «يُمسح بزيت مقدس»، وكمصطلحات، معناهو: «الممسوح». ولما نستخدم اللقب دا لي يسوع، بنكون بنعلن إيماننا إنو عُيّن من الله رسميًا وأخذ دور إلهي مخصوص عشان يتم مهمة الخلاص.

في العهد الجديد، اللقب دا «المسيح» بيجي مع اسم يسوع، زي ما بنلقى في: «يسوع المسيح» (متى ١: ١؛ مرقس ١: ١؛ رومية ١: ٤؛ رومية ١: ١)، أو مرات ببجي معكوس: «المسيح يسوع» (١ كورنثوس ١: ١). كمان بيجي أحيانًا مع أداة التعريف «الـ»، زي في (رومية ٧: ٤)، أو بيبكون مرتبط بلقب ثاني زي «الرب»، مثلاً: «ربنا يسوع المسيح» (رومية ١٦: ١٨). وفي مرات، بيستخدم لقب «المسيح» لوحدهو كأنو هو الاسم أو اللقب المفضل ليسوع، زي ما في (يوحنا ٢٠: ٣١؛ رومية ١٥: ٣؛ عبرانيين ٣: ٦؛ ٥: ٥؛ ١ بطرس ١: ١١، ١٩).

الأنجيل بتصور يسوع إنو قبل بلقب المسيا بتواضع، وما كان بيطلب المجد لنفسو. معموديتو بتفهم على إنها مسحة لثلاثة مناصب: النبي، الكاهن، والملك. لما يوحنا (اللي هو إيليا الجديد بحسب متى ١١: ١٤) عمد يسوع، يسوع استقبل انسكاب الروح القدس، واتلقى تفويض مباشر من الله عشان يبدأ خدمته (متى ٣: ١٦-٤: ١٧). يوحنا ذاتو أنكر إنو هو المسيح، لكن بطريقة غير مباشرة عرّف يسوع إنو هو المسيا (يوحنا ١: ٢٠؛ لوقا ٣: ١٤-١٧). التلاميذ الأوائل مشوا ورا يسوع لأنهم عرفوا إنو هو المسيا (يوحنا ١: ٤١). الشياطين ذاتها عرفت يسوع وقالت: «قُدّوس الله» (مرقس ١: ٢٤؛ قارن متى ٨: ٢٩). الجموع كانوا شايفين فيهو نبي، زي موسى الجديد (يوحنا ٦: ١٤، ٣٢)، لكن أول ما عرفوا إنو مملكته روحية وما سياسية، خلوه ومشوا (آية ٦٦). لكن التلاميذ الاثنا عشر فضلوا معاه، وقالوا: «وَنَحْنُ قَدْ آمَنَّا وَعَرَفْنَا أَنَّكَ أَنْتَ الْمَسِيحُ» (يوحنا ٦: ٦٩). وأكثر اعتراف واضح وجريء طلع من بطرس، واعترف بيهو يسوع على إنو إعلان من الله: «أَنْتَ هُوَ الْمَسِيحُ ابْنُ اللَّهِ الْحَيِّ» (متى ١٦: ١٦). وفي النهاية، السبب الأساسي في محاكمة يسوع وإدانته كان إنو قال عن نفسهو إنو هو المسيح (متى ٢٦: ٦٣-٦٤، ٦٨؛ ٢٧: ١١، ١٧، ٢٢، ٣٧).

واحدة من الحاجات المهمة في الكرازة المسيحية الأولى كانت الإعلان إنو يسوع هو المسيح (أعمال الرسل ٢: ٣٦؛ ١٨-١٩: ٢٢؛ ٢٨: ٢٣، ٣١). والإعلان دا هو أقدم اعتراف إيماني (متى ١٦: ١٦)، وأبسط وأهم نقطة في الإيمان المسيحي (١ كورنثوس ١: ٢٣؛ ١ يوحنا ٥: ١)، لأنو بياكد إنو يسوع كمسيّا كَمَل تمامًا الدور بتاعو كمسوح: نبي، وكاهن، وملك، خادمًا لله من أجل شعبه (لوقا ٧: ١٦؛ ١ كورنثوس ١٥: ٢٥؛ عبرانيين ٧: ٢٢-٢٨؛ رؤيا ١٩: ١٦).

شاهد أيضًا يسوع المسيح، حياته وتعاليمه المسيح؛ المخلص

المعمودية

الكلمة دي معناها العام «يغمس» أو «ينقع»، لكن بتستخدم لوصف طقوس دينية فيها تطهير رمزي. في العهد الجديد، المعمودية بقت الطقس البيدخل الزول في جماعة المؤمنين بالمسيح. ومن الناحية اللاهوتية، المعمودية بتعني إنو الزول بموت مع المسيح وبيقوم معاه، يعني بداية حياة جديدة معاه.

نظرة سريعة

• المعمودية يوحنا

• المعمودية يسوع

• وصية يسوع بعد القيامة بالمعمودية

• المعمودية في الكنيسة الأولى

• الفكر اللاهوتي عن المعمودية في رسائل بولس وبطرس

معمودية يوحنا

يوحنا كان ببشير بـ«معمودية التوبة لمغفرة الخطايا» (لوقا ٣: ٣). أصل الطقس البعملو يوحنا صعب نعرفو بالضبط. في ناس قالوا إنو المعمودية دي كانت شبه المعمديات اللي بيمارسوها جماعة قمران، وفي ناس تانيين قالوا إنو كانت شبه الطقوس الليمارسوها اليهود لما زول غير يهودي (أممي) يعتنق اليهودية. جماعة قمران كانوا شايفين أنفسهم إنهم جماعة العهد في الأيام الأخيرة، فعشان كذا عاشوا في الصحراء بطريقة متشفة، وكانوا بيغتسلوا يوميًا في طقوس طهارة دينية. لكن برضو كانوا بيعلموا إنو لازم التوبة الداخلية تراق العمل الخارجي (١ QS ٢: ٣). الطقس دا كان عندو طبيعة شبه الأسرار المقدسة، لأنو بس العضو الكامل في الجماعة هو المسموح ليهو يمارسو، ودا بعد سنتين من التجربة (١ QS ٥: ٦). أما غير اليهود العايزين يدخلوا في الديانة اليهودية، فكان لازم يعملوا حاجات معينة: يدرسوا التوراة، يختتنوا، وياخدوا غُسل طقسي عشان يطهروا أنفسهم من نجاسة خلفيتهم الأممية.

معمودية يوحنا كانت بتشبه بعض أنواع المعمودية، لكن برضو كانت مختلفة عنها في جوانب ثانية. أصل المعمودية بتاعتو ممكن نلقاهو في طريقة الأنبياء زمان، لما حياتهم كانت بتجسد الرسالة الإلهية، يعني ما بس بيوصلوا الكلام من ربنا، لكن بيعيشوه قدام الناس. معمودية يوحنا كان عندها أبعاد لاهوتية مهمة: (١) كانت مرتبطة بتوبة حقيقية وجذرية، وما كانت بس موجهة للأمم (الناس الغير يهود)، لكن الغريب إنها كانت بتطلب التوبة من اليهود أنفسهم، المعاصرين ليهو. (٢) كان عندها طابع أخروي (يعني متعلق بالنهاية)، لأنها كانت بتجهز الناس لمجيء المسيا، واللي حيعمد بالروح القدس والنار (متى ٣: ١١). المعمودية دي كانت بتتظر لقدام، ليوم الدينونة، اليوم اللي ربنا حيفرق فيه بين الأبرار والأشرار (راجع متى ٣: ١٢). (٣) كانت بترمز للتطهير الأخلاقي، وبتجهز الناس عشان يدخلوا في الملكوت الجاي (متى ٣: ٢؛ لوقا ٣: ٧-١٤). مع إنو في تشابه بين معمودية يوحنا ومعمودية الكنيسة الأولى، ما بنقدر نقول إنهم نفس الحاجة بالضبط. الحقيقة إنو المعمودية اختفت تقريبًا من خدمة يسوع. في البداية، يسوع سمح لتلاميذه يعمدوا الناس (يوحنا ٣: ٢٢)، لكن بعد شوية، واضح إنو وقف المعمودية دي (يوحنا ٤: ١-٣)، ويمكن يكون وقفها للأسباب دي: (١) رسالة يوحنا كانت وظيفية، يعني خدمتهو كانت بتؤدي غرض محدد، لكن رسالة يسوع كانت شخصية ووجودية، متعلقة بهويتهو نفسو كابن الله. (٢) يوحنا كان بينتظر المستقبل، مستني الملكوت الجاي، لكن يسوع كان شايف إنو الملكوت وصل، وكان بيحتفل بيهو في الحاضر. معمودية يوحنا كانت مرحلة مؤقتة، لكن المعمودية المرتبطة بيسوع بقت فريضة في الكنيسة. عشان كذا، يسوع فرق بين خدمتهو وخدمة يوحنا..

معمودية يسوع

نالحدث دا طلع من تفاعل معقد بين دوافع إلهية ودوافع بشرية، وكان نابع من وعي يسوع بنفسو كمسيّا (شوف مرقس ١: ٩-١١ والنصوص الشبيهة). بالنسبة ليوحنا، معمودية يسوع كانت زي ختم تأكيد إنو رسالتو وخدمتهو كانت حقيقية وجاية من ربنا. وخدمة يسوع كانت مرتبطة ببدء يوحنا عن قرب مجيء الملكوت. أما بالنسبة لیسوع، فالمعمودية دي كانت زي مسحة إلهية، بتعلن بداية خدمته المسبانية. ودا بيبظهر بوضوح في «الصوت السماوي» الاتقال في مرقس

المعمودية كمان مرتبطة بعهد الله مع نوح، زي ما ورد في ١ بطرس ٣: ١٩-٢١. لنجاة بتاعت نوح من خلال الموية هناك بتعتبر صورة أو رمز لنتائج المعمودية. في نقاش داير حول معنى عبارة: «الَّذِي مِثْلَهُ يُخْلَصْنَا نَحْنُ الْآنَ، أَيِ الْمَعْمُودِيَّةِ.» وفهم المعنى دا بيرتبط بالشرح الجا بعدو، اللي هو: «بَلْ سُؤَالُ ضَمِيرٍ صَالِحٍ عَنْ اللَّهِ.» رغم إني في نقاش أكبر بيدور حوالين النظرة «الافتراضية» (فرضية العهد) والمعمودية، لكن هنا حنكتفي ونقول ببساطة إني تفسير العبارة كـ «طلبة من الله من ضمير صالح» هو التفسير الأنسب. العبارة دي بتعكس صورة زول مؤمن، بيقدم طلبتو لله بقلب صادق. المعمودية هي ختم لعهد الخلاص، العهد الاتحقي مسبقاً بواسطة عمل المسيح، وبقرار إيمان فردي من الشخص.

١: ١١ والنصوص الثانية الشبيهة، والموضوع دا فيهو جانبين: (١) الصوت أشار لمزمور ٧: ٢، ودا بياكد إني يسوع هو ابن الله بطريقة فريدة وخاصة. (٢) وبرضو أشار لإشعيا ٤٢: ١، واعترف بيسوع إني هو «عبد يهوه» المنتظر، العبد المسينائي. (الموضوع دا حنشرحو بتوسع أكثر في المقالة الجاية تحت).

وصية يسوع بعد القيامة بالمعمودية

هنا بنلقى الأساس الحقيقي لممارسة الكنيسة للمعمودية (متى ٢٨: ١٩). زي ما ذكر قبل كدا، التلاميذ وقفوا من ممارسة معمودية يوحنا، وعند النقطة دي بنشوف إني المعمودية اتأسست من جديد كفرضة مبنية على موت المسيح وقيامته. ما بقت طقس بيتطلع للمستقبل، لكن بقت مرتبطة برسالة الإنجيل ذاتها، ومدعومة بالمسيح القام من بين الأموات وصعد ليقى السيد على الكون كله. كمان، المعمودية بقت جزء أساسي من عملية التلمذة، ودا باين في استخدام كلمة «عمدوهم» بعد الفعل الرئيسي «تلمذوا». وفي النهاية، بنلاحظ إني الفعل دا (عمدوهم) بيدل على دخول المؤمن في «اتحاد» (بالمعنى الحرفي: «باسم») مع الثالوث الأقدس.

المعمودية في الكنيسة الأولى

النص في أعمال الرسل ٢: ٣٨ بيورينا إني المعمودية كانت فريضة كنسية من البداية. ودا بيرجع ببنا لأيام الكنيسة الأولى. في الكنيسة البدري، المعمودية كانت جزء مهم من عملية الخلاص (أعمال الرسل ٢: ٣٨، «توبوا وليعتمد كل واحد منكم») وكانت بتتم من خلال الاعتراف والصلاة «باسم يسوع المسيح» (أعمال الرسل ٢: ٣٨؛ ٨: ١٦؛ ١٠: ٤٨؛ ١٩: ٥). الغالب إني كان في فترة فيها سؤال وجواب، الزول فيها بيعترف بإيمانو ويكرس نفسو للمسيح. والنتيجة كانت إني الزول بيتم قبولو في جماعة العهد الجديد، ودا كان بيدل على غفران الخطايا (أعمال الرسل ٢: ٣٨؛ ٥: ٣١؛ ٤٣: ١٠؛ ١٣: ٣٨؛ ٢٦: ١٨) وكمان على قبول الروح القدس (لوقا ٣: ١٦؛ أعمال الرسل ٢: ٣٨، ٤١؛ ٩: ١٧؛ ١٠: ٤٧، ٤٨؛ ١١: ١٦؛ ١٧: ١٩؛ ٥: ٧). شوف كمان معمودية النار؛ معمودية يسوع؛ معمودية الروح القدس.

الفكر اللاهوتي عن المعمودية في رسائل بولس وبطرس

الكلام الجوهرى عند بولس عن المعمودية بملقاه في غلاطية ٣: ٢٧: «اعتمدتم بالمسيح.» الطقس دا عندو طبيعة مسيحية (كريستولوجية) في أصلو، لأنو بيرمز للاتحاد مع المسيح. ودا واضح أكثر في رومية ٦: ٣-٨، البتساوي بين المعمودية والموت والقيامة (راجع كولوسي ٢: ١٢، ١٣). وبرضو المعمودية مرتبطة بالروح القدس؛ في 1 كورنثوس ١٢: ١٣، بولس بيقول: «بِرُوحٍ وَاحِدٍ أَيْضًا اعْتَمَدْنَا» وكمان «سُقِينَا رُوحًا وَاحِدًا.» ناس كتار ببشوفوا المعمودية كأنها العلامة الظاهرة لـ «الختم» الداخلي بالروح القدس (٢ كورنثوس ١: ٢١، ٢٢؛ أفسس ١: ١٣؛ ٤: ٣٠). الكلام دا بيدلنا للبعد الأخروي (المرتبط بالنهاية) في المعمودية. من خلال علاقتها بعمل المسيح الحالي وعمل الروح القدس، المعمودية بتظهر كرمز خارجي لتدفق الخلاص في زمن الاكتمال، لأنها الطقس الأولي اليبدخل المؤمن في بركات العصر الجديد (تيطس ٣: ٥).

في كمان علاقة واضحة بين المعمودية وعود العهد القديم. الرابط الأساسي بيبكون مع العهد الإبراهيمي، خصوصاً مع الختان البيميرزو. في كولوسي ٢: ١١، ١٢، بولس جمع بين الختان في العهد القديم والمعمودية في العهد الجديد، وورانا إني الاتنين بيرمزوا لعمل المسيح الفدائي. لكن اليوم في نقاش داير: هل المعمودية بتقوم بنفس الدور اليبكان بيقوم بيهو الختان؟ يعني هل هي علامة قضائية واحتسابية زي الختان؟ مهما كانت التفسيرات اللاهوتية، ما بنقدر نجبر بولس يقول الكلام دا حرفياً. في الحقيقة، بولس هنا بيستخدم صورة «ختان القلب»، وهي صورة موجودة في العهد القديم (تثنية ١٠: ١٦؛ ٣٠: ٦؛ إرميا ٤: ٤؛ رومية ٢: ٢٨، ٢٩؛ فيلبي ٣: ٣). المؤمنين بعيشوا المعنى الحقيقي والفعل للحاجة الختان كان بيرمز ليها زمان، ودا واقع روحي حقيقي وفعل.